

## Yeshua: e Zelo di Dios!!!

Awor Felipe a buska i haña Natanaèl i a bis'é: "Nos a haña Esun di Kende Moisés a skirbi den e Lei i di Kende e Profetanan tambe a skirbi. Ta Yeshua; Jesus di Nazarèt, yu di José." (Juan 1:45).

**Yeshua; Jesus di Nazarèt: e Lei di Dios Tata!!!.**

"Finees, yu hòMBER di Eleazar, yu hòMBER di saserdote Aaron, a kita Mi furia for di riba e yunan di Israel dor ku e tabata Zeloso ku Mi Zelo meimei di nan, asina ku Mi no a destruí e yunan di Israel den Mi Zelo. Pesei bisa: 'Mira, Mi ta dun'é Mi Aliansa di Pas; i esaki lo ta p'é, i pa su desendentenan despues di djé, un Aliansa di un Saserdosio Perpetuo, pasobra e tabata Zeloso pa su Dios i a hasi Ekspiashon pa e Yunan di Israel.'" (Numbenan 25:11-13).

**Yeshua; Jesus di Nazarèt: di Kende e Profetanan di Dios Tata tambe a skirbi!!!.**

Pasobra un Yu a Nase pa Nos, un Yu HòMBER ta duná na Nos, i e gobernashon lo ta riba Su Skouder. Su Nòmber lo ta Konsehero Maravioso, Dios Poderoso, Tata Eterno, Prens di Pas. Lo no tin fin na e umento di Su Gobernashon i di Pas, riba e Trono di David i riba Su Reino, pa establese esaki i mantené ku Huisio i Hustisia for di e Tempu ei i pa Semper. E Zelo di e SEÑOR di Ehérsitonan lo hasi esaki. (Isaias 9:6-7).

Ta kon Felipe por bisa: "Nos a haña Esun di Kende Moisés a skirbi den e Lei i di Kende e Profetanan tambe a skirbi. Ta Yeshua; Jesus di Nazarèt, yu di José." Felipe por bisa esaki pasobra:

Yeshua ta e Zelo di Dios.

Yeshua ta e Aliansa.

Yeshua ta e Pas.

Yeshua ta e Saserdosio Perpetuo.

Yeshua ta e Ekspiashon.

Yeshua ta e Yu ku a Nase pa Nos.

Yeshua ta e Yu HòMBER duná na Nos.

Yeshua ta e Konsehero Maravioso.

Yeshua ta e Dios Poderoso.

Yeshua ta e Tata Eterno.

Yeshua ta e Prens di Pas.

Yeshua ta e Hustisia di e Tempu ei i pa Semper.

Yeshua ta e Zelo di e SEÑOR di Ehérsitonan.

Ta pa e motibu aki Yeshua Su Disipelnan a kòrda ku tabata pará skirbí: "E Zelo pa Bo Kas lo kaba ku Mi." (Salmonan 69:9, Juan 2:17).

10 novèmber 2019

Sea Bendishoná ku e Amor di Dios Tata; Yeshua Mesias

Un Fiel Sirbidó di Dios,

Remsly L Riley